

("Službeni glasnik BiH", broj 44/16 od 14.06.2016.godine)

Na osnovu člana 17. Zakona o Vijeću ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08), člana 1. stav (1) tačka c) i člana 6. stav (2) Odluke o kriterijima za utvrđivanje novčane naknade za rad u upravnim odborima, nadzornim i drugim odborima i drugim radnim tijelima iz nadležnosti institucija Bosne i Hercegovine ("Službeni glasnik BiH", br. 19/09 i 10/12), a u vezi sa članom 46. Pravilnika o disciplinskoj odgovornosti državnih službenika u institucijama Bosne i Hercegovine ("Službeni glasnik BiH", br. 20/03 i 94/10), Vijeće ministara Bosne i Hercegovine, na prijedlog Agencije za državnu službu Bosne i Hercegovine, na 57. sjednici održanoj 23.05.2016. godine, donijelo je

ODLUKU

O IZMJENAMA ODLUKE O UTVRĐIVANJU VISINE NOVČANE NAKNADE ZA RAD

U DISCIPLINSKIM KOMISIJAMA AGENCIJE ZA DRŽAVNU SLUŽBU

Član 1.

U Odluci o utvrđivanju visine novčane naknade za rad u disciplinskim komisijama Agencije za državnu službu („Službeni glasnik BiH“, broj 70/09), član 2. mijenja se i glasi:

“Član 2.

(Visina naknade)

1. (1) Naknada za rad u disciplinskoj komisiji utvrđuje se po predmetu i to:

1. a) predsjednik komisije u iznosu od 300,00 KM,
2. b) član komisije u iznosu od 200,00 KM,
3. c) zapisničar komisije u iznosu od 100,00 KM.

4. (2) Mjesečna naknada za rad u disciplinskoj komisiji može iznositi maksimalno do visine osnovice za obračun plaće zaposlenim u institucijama BiH.

5. (3) Naknada za rad u disciplinskoj komisiji isplaćuje se uz primjenu ograničenja propisanih članom 39. st. (4) i (5) Zakona o plaćama i naknadama u institucijama Bosne i Hercegovine („Službeni glasnik BiH“, br. 50/08, 35/09, 75/09, 32/12, 42/12, 50/12, 32/13, 87/13, 75/15, 88/15 i 16/16).

6. (4) Godišnji pregled izvršenih isplata naknada po osnovu rada ukomisijama (po članu komisije), Agencija je dužna dostaviti Vijeću ministara BiH do 31.03. tekuće godine za prethodnu godinu.”.

Član 2.

Član 3. se mijenja i glasi:

„Član 3.

(Utvrdjivanje prava)

Pravo na naknadu licima iz člana 2. ove odluke utvrđuje se posebnim rješenjem, protiv kojeg se može izjaviti žalba [Odboru državne službe za žalbe](#) u roku od osam dana od dana prijema istog.“.

Član 3.

Ova Odluka stupa na snagu danom donošenja i objavljuje se u "Službenom glasniku BiH".

VM broj 85/16

23.05.2016. godine

Sarajevo

Predsjedavajući

Vijeća ministara BiH

Dr. Denis Zvizdić